




Broj: 03/7-01-02-1-1166/24

Sarajevo, 19. 6. 2024.



Parlamentarna skupština BiH
Kolegij Predstavničkog doma
Ustavnopravna komisija Predstavničkog doma

PRIMLJENO: 19-06-2024			
Organizaciona jedinica	Klasifikaciona oznaka	Redni broj	Broj priloga

Na osnovu člana 106. stav (1) i (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23 i 87/23) i čl. 1. i 2. Jedinstvenih pravila za izradu pravnih propisa u institucijama Bosne i Hercegovine („Službeni glasnik BiH“, br. 11/05, 58/14, 60/14, 50/17, 70/17 i 10/21), Zakonodavno-pravni sektor Zajedničke službe Sekretarijata Parlamentarne skupštine Bosne i Hercegovine daje sljedeće

MIŠLJENJE

o

Prijedlogu zakona o dopunama Krivičnog zakona Bosne i Hercegovine

I. Poslanik u Predstavničkom domu Parlamentarne skupštine Bosne i Hercegovine i šef Kluba poslanika Narod i pravda Nihad Omerović, u skladu s članom 104. Poslovnika Predstavničkog doma Parlamentarne skupštine Bosne i Hercegovine (u daljnjem tekstu: Poslovnik) kao ovlašteni predlagač dostavio je predsjedavajućem Predstavničkog doma Parlamentarne skupštine Bosne i Hercegovine Prijedlog zakona o dopunama Krivičnog zakona Bosne i Hercegovine (u daljnjem tekstu: Prijedlog zakona), radi razmatranja o usklađenosti Prijedloga zakona s članom 105. Poslovnika i Jedinstvenim pravilima za izradu pravnih propisa u institucijama Bosne i Hercegovine (u daljnjem tekstu: Jedinstvena pravila).


II. Zakonodavno-pravni sektor razmotrio je Prijedlog zakona te je konstatirano da je podnesen u pisanoj i elektronskoj formi na jednom od jezika u službenoj upotrebi u Bosni i Hercegovini u skladu s članom 105. stav (1) Poslovnika. Uz Prijedlog zakona dostavljeno je obrazloženje koje sadrži elemente propisane odredbom člana 105. stav (3) tač. a), b), c) i d).

U skladu s članom 105. stav (4), kada je poslanik predlagač zakona, mišljenje Direkcije za evropske integracije o usklađenosti prijedloga zakona s pravnoobavezujućim normama EU iz stava 105. stav (3) tačka e) pribavlja Kolegij Doma.

Također, uz Prijedlog zakona priložene su i odredbe članova koje se mijenjaju i verzija prečišćenog teksta zakona u skladu s članom 105. stav (5) Poslovnika.

III. U pogledu usklađenosti s Jedinstvenim pravilima, konstatira se da je Prijedlog zakona pripremljen na način koji odgovara nomotehničkim pravilima koja se primjenjuju prilikom izrade zakona i drugih propisa, odnosno da svojom strukturom, formom i stilom odražava pravila izrade pravnih propisa kako je to i propisano Jedinstvenim pravilima. Međutim, ukazujemo na čl. 46. i 67. Jedinstvenih pravila.

Rukovodilac
Zakonodavno-pravnog sektora


Bojan Šehovac

Dostaviti:

- naslovu
- a/a